

ՀԱՅԱՍՏԱՆԵԱՅՑ ԵԿԵԴԵՑԻՈՅ ԱՆՑԵԱԼՆ.

(Շարունակելու):

Արդարև Հայաստանեայց Ազգայնացի անցելոյն մէջ փառաւոր արդեամբք արժանաւոր և նուիրական անուն և յիշատակ արձանած է Սեֆն Արսէս, որոյ Հայրապետական իշխանութիւն պարտաւորեալ և կարի ծանրաբեռնուած էր կրկին վսեմ պաշտօնով՝ այս ինքն ա, Ազգայնացի բարեկարգութեան և Է, Ազգի փրկութեան նուիրական զբաղմունքով:

Արդին ազգասէր՝ հոգեվառ և եռանդուն սրտի և զգացմանց առջև ամեն կերպ դժուարութիւնք կարծես առ ոչինչս զբռնած էին՝ ուշ դնելով և ճիգ թափելով միայն իւր նպատակները պատկել յօգուտ Ազգի և Ազգայնացի:

Այն ժամանակուայ թագաւորական տան վատթար՝ սասանեալ և կորստաբեր ընթացքի արդիւնաւորած աղէտք՝ խօչնդոտք և խռովայոյղ ներգործութիւնք առաւել կնձուտած էին Ազգայնացի և Ազգի վիճակը:

Իսկ և այնպէս Սեֆն Արսէս Արաւելին նախ քան զամենայն ձեռնարկեց Ազգայնացի բարեկարգութեան, ըստ որում ինչ ինչ խանդարմունք և շփոթութիւնք սպրդել սկսած էին եկեղեցւոյ բարեկարգութեանց մէջ, զորս առաւելութեամբ իմն յուղղութիւն փոխադրեց՝ ինչպէս որ կըրէ Խորենացին՝ (Վերջ Բ. գլ. Ի)
 « զամենայն կարգս ուղղութեանց Հարցն իւրոց նորոգեաց, այլ և առաւել ևս »:

Ազգային Ժողով գումարեց և նախաբարաց մէջ եղած մի քանի սովորութիւնք

քը կանոնադրութեամբք արդիւնց, և բարոյական և առաքինասէր գեղեցիկ նպատակներով բաղում կարգի և աստիճանի թշուառ և տառապեալ անձանց համար ապաստանարաններ և խնամատուններ շինել սահմանեց և գործադրեց՝ ապահով հասոյթներ յատկացնելով և կարեւոր հրահանգ և կանոններ սահմանադրելով, որոյ վերայ յատուկ վերակացուներ ևս կարգեց՝ որպէս զի միշտ հոգ և խնամ տանին և յուսահատ կամ յակամայից բռնադատեալ չարութեանց առաջքը առնուին:

Արդև հազարէն աւելի եղբայրանոցներ և քանիւն (կամ դպրոցներ) յաւելացուց և հաստատեց, և դաստիարակութեան և կրթութեան զարդացման և ընդհանրացման խորին ուշադրութիւն տուաւ և անխնջ հետամուտ հանդիսացաւ: Որով կանխաւ հիմնուածները և նորոգ հաստատուածները բարեկարգելով և արդիւնաւորելով հանդերձ՝ ժառանգաւորաց կրթութիւնը միակ դարման գտաւ: Հայրենեաց և Ազգի փրկութիւնը և յարատեւ ապահովութիւնը նուիրագործելոյ համար:

Մինչ այսպիսի ջանիւք կշահատակէր Սեֆն Արսէս, միանգամայն թագաւորական տան և նախարարաց մէջ տիրած երկպառակութիւնքը անհետացնել կարճ նէր հաշտասէր և խաղաղարար միջոցներով, — որպէս զի աղգային միութիւնը և զօրութիւնը չվտանգուի ի վնաս և ի կործանումն Հայրենեաց, — կսկսին արտաքին յարձակումներ, որք յունական և պարսկական ազդեցութեանց անընդհատ արդիւնքներն էին, զորս թագաւորական տան անխոհեմ և անհեռապես շարժմունքներ կթելադրէին և կըզրզուէին, ուստի մերթ

կիւութայ ընդ առաջիկայ թշնամոյն ի պաշտպանութիւն Հայրենեաց և ցասուցեալ սրտի զայրոյթը զիջուցանելոյ, երբեմն կրիմէ ի Պօլիս մօտալուս վտանգէն և կործանմանէն ՂԱզդ և ՂԱկեղեցին ազատելոյ համար՝ միջնորդելոյ, թողուով՝ որ այսպիսի առթիւներով օտար երկրի միջ օտար իշխանութիւնէն անապատ տեղ կաքսորուէր, ի վիշտս և ի բանտս կմատնուէր, անտանելի տանջանաց և նախատանաց կենթարկուէր, և այս ամենը սիրով կրտանէր Ազգի և Ակեղեցւոյ օգտի և փրկութեան համար:

Երբ ժամանակ եղաւ՝ որ իւր որդիք օտարաց ապաստանելով՝ Հայ թագաւորական տան ձեռքէն ազատուելոյ հնարքներ կորոնէին և օտար թագաւոր գտանել կջանային, Մեծն Աերսէս կզգար անխոհեմ ընթացից առաւել վատթար և չարագուշակ հետեւանքները, Ազգի փրկութեանց և հայրենի թագաւորին հնազանդ կալով՝ ձեռք բերել և օտարէն ըզգուշանալ կխրատէր՝ այս նշանաւոր խօսքերը ևս աւանդելով՝ «Եթէ բիւր չար իցէ Արշակ թագաւոր Հայոց, սակայն Աստուածապաշտ է, և եթէ մեղաւոր ևս իցէ, սակայն թագաւոր ձեր է», (Բուզ. Գլ. Գ. ԺԱ):

Այս համառօտ նկարագրութենէ զիրեն է իմանալ Մեծին Աերսիսի կրած տառապանքներ և սրտի վշտեր, նա և թէ որպէս վշտակոծ կհառաչէր՝ երբ ի Պօլիս կլսէր իւր ժողովուրդեան մէջ սերմանուած եղբարասպան խռովութիւնքը, Մեհրուսի ջանքերը Քրիստոնէութիւնը ջնջելոյ և Ակեղեցին կործանելոյ համար, և

թէ ի՞նչ հնարներ կրդանէր և թէ ոգոսի օգնութեամբ և բարերարութեամբ ՂԱզդ և ՂԱկեղեցին կփրկէր, թագաւորութիւնը կվերահաստատէր, զորս երկարապատում կհաղորդեն մեր պատմիչք:

Պոզցիս սոցա փոխարէն էր և ի լրումն տառապանաց՝ զի բարերարած և պաշտպանած Պապէն մահատու թոյնով ևս ազգօգուտ կենացն թելը ընդհատեցաւ, թէպէտ իւր ջանքերն և աշխատութիւնք բաւականին պսակուած էին, որոց դէմ ոչ ինչ թոյն ներգործել կը յաջողէր:

Երանելոյն դրած և յարգարած բազում կարգ և կանոն և ուղղութիւնք գրեալ թէ յարաւեցին մինչև սուրբ Սահակ Պարթևի օրեր, թէպէտ քաղաքական յեղափոխութիւնք ևս անպակաս էին Հայաստանի մէջ, որք՝ ինչպէս միշտ՝ բաւականին հարուածք կշռեցին նաև Ակեղեցւոյ և Ազգի վերայ և հետզհետէ խանգարմունք և զերծմունք ներմուծեցին և սպրդեցին, բայց Աստուածային ողորմութիւն միշտ Ակեղեցւոյ պաշտպան և օգնական լինելով՝ կմտիթարէր իւր սիրելի ժողովուրդը երբեմն հզօր և արժանաւոր Հայրապետ և Առաջնորդեր պարգեւելով, որք բազում չարեաց և վտանգներու առաջքը աւանդով՝ նա և միշտ ուղղութիւնք և բարեկարգութիւնք կյաւելուէին, և հանապազ ժողովուրդեան դաստիարակութեան և կրթութեան, ինչպէս նաև բարօրութեան համար անխոնջ ջանադիր կլինէին և կը հետեւէին եռանդավառ ճիշդամբ:

Գրեալ թէ արտաքուստ հալածմունք և վտանգաբեր ազդեցութիւնք՝ իսկ ի ներքուստ երկպառակութիւնք սուսուել գա-

որն կտարուբերէին զՀայաստան ի վեշտս
և յաւերակս՝ երբ Վերինն Նախախնա-
մութիւն հաճեցաւ շնորհել Հայոց Լե-
կեղեցւոյ երկու հզօր Պաշտպաններ և Լե-
խոյեաններ, որոց առաջինն էր Ս. Սահակ
Պարթև Աթուղեկոս, և երկրորդն՝ Ս.
Սարգիս Լաւանդար:

Սոցա ջանիւք պարգևեցաւ Հայոց մի
ՈՍԿԵՒԱՐ, յորում սուրբ ՍԱՀԱԿ և ՄԵՍ-
ՐՈՎԻ ծաղկեցան, և այս էր ի հինգերորդ
դար:

(Շ-Բ-Ն-Է-Է)

ՂԱՀՐԱՄ ՂԱՐԴԱՊԵՏ ՄԱՆԿՈՒՆԻ:

«ՄԱՆՐ ՈՒՍՄՈՒՆՔ

ԱԶԳԱՅԻՆ ԵԿԵՂԵՑԱԿԱՆ ՊԱՏՄՈՒԹԵԱՆ,,

ԳՐԵԱԼ Ի ՄՍԵՐԱՅ Մ. ՋՄԻՒՌՆԱՅԻՈՅ:

Լմողջ տեսարարը զրուած է երեսուն
և հինգ յօդուածով, յորս կամովիութի
Եկեղեցական պատմութեան մանր ուս-
մունքը: Վհ հախառ Հայրապետի կողմից
ինձ յանձնեալ լինելով զննել այն տես-
րարը, ըստ որում կրօնական գիրք՝ որ
տպուելէն յառաջ հոգեւոր Եշխանութեան
պիտի ներկայացուէր, մէջը նշմարուած
պատմութեան ընդդէմ կտորները աստէն
կնշանակենք:

Քսանեկեցեւորդ յօդուածի մէջ կգրէ.
«Հայոց եկեղեցին կամելով յայտնել
Քրիստոսի Յարութեան համար ուրա-
խութիւնը, կանոն դրած է, որ այն օրը
(Քրիստոսի Յարութեան կիրակի օրը ի
զատկին) Քահանայք և դպիրք եկեղե-
ցումը սպիտակ զգեստներով զարդա-
րուին,,:

Այս կանոնը ո՞ր դրուած է՝ չենք գի-
տեր. վասն զի Հայոց եկեղեցական կա-
նոնների մէջ չենք գտնել, թէ և հեղի-
նակը կգրէ թէ Հայոց եկեղեցին կանոն
դրած է:

Իսկ Հայոց Եկեղեցին յօրինակ հրեշ-
տակի ի հանդերձ սպիտակս երեւոյն
Քրիստոսի գերեզմանում, արդարեւ սպի-
տակ զգեստ զօրծ կգնէ, չէ թէ բոլոր՝ Քա-
հանայք ու դպիրք, այլ միայն Եւզաբե-
րից աւետարան կարդացողը և սարկաւազն
և մամ բռնող դպիրք, և այն՝ ոչ միայն
զատկի օր, այլ և ամեն Յարութեան կիր-
ակէ օրերը, Եւզաբերից աւետարան կար-
դալու ժամանակ. եթէ կայ այնպիսի եկե-
ղեցի մի, որ զատկի կիրակէ օրը քահա-
նայք և դպիրք եկեղեցումը սպիտակ ըզ-
գեստներով կզարդարուին, այս եկա-
մուտ է, զուցէ ուրիշ աղբիւրից առած: —
Եթէ արժանայիշատակ Հեղինակի այս
եկեղեցական պատմութիւնը տպագրող
նորա որդին՝ Հայոց եկեղեցւոյ դրած կա-
նոնը ցոյց կտայ, մենք նախընթացաբար
խոստանում ենք, որ այս մեր նշմարածը՝
կանոնին համաձայնացնենք:

Երեսուն և չորսերորդ յօդուածի մէջ՝
Հայոց ազգային եկեղեցական Ժողովները
քառասուն և եօթն միայն է թուել. սո-
րա համար էլ կարճ ասենք: Հեղինակը
արդեօք իւր ընդունածը միայն կթուէ՝
եթէ Հայոց եկեղեցւոյն արած ժողովն ու
ընդունածը. եթէ իւր ընդունածն է, պէտք
էր մի առ մի թուել քառասուն և եօթն
Ժողովներն էլ, որ կարդացողը իմանար
թէ հեղինակը Հայոց Եկեղեցւոյ ո՞ր Ժո-
ղովքն է ընդունել, և ո՞րը մերժել: Հա-
յոց եկեղեցին ի սրբոյն Վրիգորէ և ԳՎԷ-